



Asistans Nitrisyon pou Eta Gòlf yo

Sou direksyon Prezidan Obama, USDA ap travay ansanm ak lòt depatman federal pou satisfè bezwen imedyat ak alontèm Eta yo ki afekte ak devèsman petwòl nan Gòlf la. Se Gad Kòt Etazini a ki alatèt efò gouvènman federal la.

Epi pandan yo poko konnen tout konsekans devèsman an genyen sou ekonomi reyjonal la, USDA ap kontinye kominike ak ofisyèl eta yo nan reyjon ki afekte yo pou asire bezwen yo satisfè epitou pou sèvis USDA yo pa sispann. USDA ap kontinye siveye sitiyasyon an pi pre epi li ap bay sipò nan efò repsons lan tankou ak moun pou travay ak resous.

USDA pataje enkyetid Eta yo ki nan Gòlf sou konsekans devèsman petwòl la kapab genyen sou bezwen pou nitrisyon fanmi ki afekte yo.

Sekretè Agrikilti Vilsack te pwomèt sipò ak asistans USDA bay Gouvènè Eta Kòt Gòlf yo kote li ede yo itilize posiblite ki disponib pou jwenn aksè fasil nan Pwogram Asistans Nitrisyon Siplementè (Supplemental Nutrition Assistance Program (SNAP)) pou plizyè moun ki pa touche ase lajan nan zòn nan, pa sèlman sa yo ki afekte ak devèsman petwòl la, men tout moun ki pa touche ase lajan nan Eta sa yo.

SNAP kapab reponn yon fason ki rapid ak efikas lè ekonomi an bese ak deranje. USDA ap kontinye travay ak Eta yo pou jwenn tout moun ki kalifye yo epi bay yo asistans teknik sou posiblite règ ak egzanpsyón SNAP ki disponib pou amelyore aksè ak fè li fasil pou aplike ak pou resevwa asistans manje yo bezwen. USDA USDA bat bravo pou Florida, Louisiana and Mississippi poutèt yo fè yon sèl ak Alabama pou aplike kalifikasyon kategori jeneral (BBCE) pou ede fanmi ki te pèdi travay yo nan dènye katastwòf devèsman petwòl la, men ki toujou genyen yon ti resous. Avèk BBCE, Alabama, Florida, Louisiana ak Mississippi p ap konte resous sa yo pou detèmine kalifikasyon, sitou resous yo te resevwa akòz devèsman petwòl la (pa egzanp, lajan pou peman asirans, peman yo te resevwa nan BP oswa nan kont biznis) pou tout fwaye yo.

Pou jwenn enfòmasyon sou fason pou aplike pou benefis SNAP nan Eta Gòlf yo, rele liy dirèk yo:
Alabama - 1-800-382-0499

Florida - 1-866-762-2237

Louisiana - 1-888-524-3578

Mississippi – 1-800-948-3050

Texas – 211 (anndan Eta a sèlman)

Answit, pou lòt pwogram asistans USDA, tankou Pwogram Nitrisyon Siplementè Pou Fanm, Tibebe ak Timoun (WIC), Pwogram Nasyonal Manje nan Lekòl, Pwogram Sèvis Manje Pandan Lete, ak Pwogram Asistans Manje Ijan, yo chak ofri sous patikilye pou ede timoun ak fanmi yo pandan Eta yo ap jere konsekans ekonomik devèsman petwòl la.

Genyen enfòmasyon sou pwogram asistans nitrisyon USDA
<http://www.fns.usda.gov/disasters/response/deepwater.htm>